

Inatsisartut Suleriaasianni § 33, imm. 3, nr. 1 naapertorlugu Nunat Avannarliit Killiit Siunnersuisoqatigiiffianni Inatsisartut aallartitaannut siulittaasup aalajangiiffisassatut siunnersuut manna saqqummiuppaa:

Nunat Avannarliit Killiit Siunnersuisoqatigiiffiata kaammattuutitut aalajangersagassaanut nr. 2/2017-imut siunnersuut:

Nunat Avannarliit Killiit Siunnersuisoqatigiiffiata Savalimmiuni, Kalaallit Nunaanni Islandimilu Naalakkersuisunut kaammattuutigaa aalisarnermi ilinniartitaanerit eqqarsaatigalugit nunat akornanni suleqatigiinnissamut periarfissat misissoqqullugit.

(Aallartitat siulittaasuat Vivian Motzfeldt)

Tungavilersuut:

Aalisarnej nunani avannarlerni killerni inuussutissarsiutaavoq pingaarutilerujussuaq. Imaani pisuussutit uumassusillit nunanit avammut tunineqartartut pingaarnersaraat. Nunani avannarlerni killerni inuussutissarsiornermut aalisarnermullu ministerit aalajangersimasumik napittarput aalisarnerullu iluani suleqatigiinneq nukittorsarlugulu ataatsimut soqutigisat oqalligisarlugit. Nunani imaani pissutsinik ilisimatusarfiit aamma qanittumik suleqatigiipput. Aalisarnermi ilinniartitaanerit eqqarsaatigalugit pitsaasumik suleqatigiinnikkut nunat misilitakkaminnik ilisimasaminnillu paarlaasseqatigiissinnaapput tamarmik ataasiakkaarlutik piginnaasaannut iluaqutaasinnaasunik. Aalisarnermi teknologiimik ilinniartitsinikkut assersuutigalugu aalisarnermik pisuussutinik iluaquteqarniarnej pitsaanerulersinneqarsinnaavoq inuussutissarsiummilu nutaaliornernut aqquataalluni.

Suliassaqarfimmi suleqatigiinnerup annertunerulernissaanut suliniutitut siullertut aalisarnermi teknologiimik pitsaassutsimillu inuussutissarsiornermut ilinniartitaanerit eqqarsaatigalugit suleqatigiinnermik pilersitsisoqartariaqarpoq. Island assersuutigalugu Grindavikimi Fisk-tækniskóla Íslandsimik peqarpoq, Kalaallit Nunaat Narsami INUILI-qarluni, aamma aalisarnermut sammisinneqarsinnaasumik, Savalimmiunilu ilinniarnertuunngorniartoqarsinnaalluni aalisarnej pingaartillugu. Taakku eqqarsaatigalugit paarlaasseqatigiittarnernik aqqissuussinikkut tungaviusumik ulluinnarnilu sulineq eqqarsaatigalugu aalisarnermik pitsaassutsimillu atuartitsinernik assigiinngitsunik neqerooruteqartoqartariaqarpoq, taamaaliornik-kut

nunat suliassaqarfimmi ilisimasanik paarlaasseqatigiinniassammata suleqatigiillutillu. Taamatut tunngaviusumik atuartitaanikkut nunani ataatsimut isigalugu ilisimasaqassuseq pitsaassuserlu qaffassarneqarsinnaavoq, Nunani Avannarlerni Killernilu inuusuttunut suliffissanik pitsaasunik periarfissiiginnarani aamma ilinniaqqinnissamut periarfissiisinnaalluni, soorlu Akureyrip Universitetiani aalisarnermik bacheloritut ilinniartitaanermik ukiunik pingasunik sivilisussusilimmik, Sisimiuni Artekimi Issittumi teknikikkut ilinniarfimmi aalisarnermi teknologitut diplomingeniøritut ilinniartitaanermik kiisalu Islandimi Naalagaaffiit Peqatigiit aalisarnermik atuarfiannut isersinnaanissamut, assertuutitut taaginnarlugit.

Nunat Avannarliit Killiit Siunnersuisoqatigiiffiat isumaqarpoq aalisarnermi ilinniartitaanerit eqqarsaatigalugit nunat avannarliit killiit suleqatigiinnerulernerat nunanut pingasunut tamanut iluaqutaassasoq. Nunanut pingasunut tamanut atuuppoq tamarmik immikkut ataasiakkaarlutik suliassaqarfinni assigiinngitsunik ilisimasaqaramik, taamatullu aamma unammilligassanik assigiissorpassuarnik sammisaqarlutik.

Taamaattumik Nunat Avannarliit Killiit Siunnersuisoqatigiiffiata Islandimi, Savalimmiuni Kalaallit Nunaannilu ilinniartitaanermit ministerit kaammattorpai misissoqqullugu aalisarnermi ilinniartitaanerit eqqarsaatigalugit nunat akornanni suleqatigiinnermik pilersitsisoqarsinnaanersoq misissoqqullugu.